



19. oktober 2017

UKA 2017/123

Siunnersuut uunga: Inatsisartuni Naalakkersuisunilu il.il. ilaasortat aningaasarsiaqartitaanerat il.il. pillugit inatsisartut inatsisaata allanngortinneqarneranik Inatsisartut inatsisaat nr. xx, uu. qqqq 2017-imeersoq. (Ataatsimiinnernut atatillugu akiliunneqarluni ilaqtutanik ingi-allorteqarsinnaaneq, Inatsisartunut ilaasortanut Naalakkersuisunullu ilaasortanut soraarne-russutisiaqarnissamik aqqiissuussinerit)

(Inatsisartut Siulittaasoqarfiat)

Inatsisartut Siulittaasoqarfiata Inatsisartut inatsisissaattut siunnersuutaanut Siumumiit, Inuit Ataqatigiinniit aammalu Parti Naleqqamiit imaattumik oqaaseqaateqassaagut:

Inatsisartut siulittaasoqarfiata Inatsisartut inatsisissaattut siunnersuutaa marlunnik imaqarpoq. Inatsisartunik ilaasorta q periarfissaqalissasoq ukiumut marloriarluni Inatsisartut ataatsimiinnerisa nalaanni qitornaminik nassataqarsinnaassalluni, maannamut aalajangersagaq atuuttoq aallaavigalugu ataasiinnaasoq, tamatumanilu ilaqtutanut ilaatillugu isigineqartaraluartoq.

Uani inatsisissatut siunnersuutip siunertarerpiarpa Inatsisartunut ilaasortap ataatsimiigiartarnermini qitornaminik Nuummumut ataatsimiigiartarnermini ingiallorneqartarnissaa. Tassami inatsisartunut ilaasortat agguaqatigiissillugu ukiumut qaammatit tallimat Nuummiittariaqartarput ataatsimiinnermi najuullutik.

Taamaattumik Siulittaasoqarfiup aqqiissutissamik inatsisissatut siunnersuummik saqqummiussinera Partiinit Siumut, Inuit Ataqatigiit Parti Nalerarlu isumaqatigigatsigit oqaatigissavara.

Taakkuullutami pingaartipparput meeqqanik sumiginnaasernerup unitsinneqarnissaa, isumaqarpugullu suliffeqarfitta, uani pineqarpoq inatsisartut suliassaq pimoorullugu isumagigaa aammalu qulakkeerniarsarigaa.

Allannguutissap aappaa pensionisiaqartarnernut tunngassutilik teknikikkut aqqiissutaammat annertunerusumik isummorsorfiginagu pissavarput.

Taama oqaaseqarluta Inatsisartut siulittaasoqarfiata Inatsisartut inatsisissaattut siunnersuutaanut ilaliinerput ersersikkumavara, tamannalu toqqammavigalugu ataatsimiitsitaliamut susassaqtumut aappassaaneerneqartinnani suliarineqarnissaa inassutigaarput.

Ineqi Kielsen
Siumut